

егемен

Акылжол

МӘҢГІЛК САҒЫНЫШ



Мұхтар Әуезовтің 120 жылдық мерейтойына орай туған ой

Эпикалық роман «Абай» менің ойымша XX ғасырдағы
ен үздік шығармалардың бірі... Бұл шығарма совет
әдебиеті туындыларының мандай легінен орын
алады деу аздық қылады, әлемнің басқа елдерінде
де онымен тең түсетін шығарманы табу қыын.

Луи Арагон

Бірінші ой

ӘЛЕМ ТАҢҚАЛҒАН ҚҰБЫЛЫС

Сіз әлі «Абайды» оқыған жоқсыз ба? Онда
сіз мұлдем ештеңе оқымағансыз. Бұл – таңғажайып,
бұл – керемет! Дағаға жан бітіп, дүние алғаш
жаралғандағы мөлдір табиғатымен, бар
тіршілік-тынысымен, тәуелсіз тұлғалы жандармен

Альфред Курелла

Көлеміне ұшқыр қиял болмаса көз жетпейтін көкала мұхит тебіренген бір сәттерде қуатты толқын алдында көпіршігендегі көбік толқындар жүгіріп өтпей ме? Шымыр шығарманың қан тамыры болып тарапатын ой, сезім, сурет деген де сондай толқындар тәрізді емес пе? Алмас қылыш жүзіндегі ақ қағазбен бетпе-бет келіп, ой мен сезім құшағында оңаша қалған суреткер көкірегінде жылдар бойы жаралап, көз алдына сан сурет болып көлбендерген сол бір сәтте бәрін ақыл мен талғам таразысына тарта алса қандай ғанибет! Әйтседе, сондай тар жол, тайғақ кешуде тұнғиық, тылсым сырларды, кейіпкерлердің ішкі жан дүниесіндегі азапты арпалыстарын, шарпысқан сезімдерін, тұнғиық тылсым сырларды майдан қыл суырганда суреттеу, әр шығарма, ол ол ма, әр кейіпкер сайын жаңалық ашу жазушы атаулының бәріне бірдей қона бермейтін бақ. Інжу-маржан тайызда емес, асау толқынының аспанға атқан теңіздің терең түбінде жатады. Сондай тұнғиыққа тұншықпай сұңғи білген сұңғыла суреткер сөз өнеріндегі ірі көркемдік құбылысқа айналады. Кең тынысты кемел ойлы кеменгер Мұхтар Омарханұлы Әуезов дерптен тең сөз өнеріндегі әлем тандай қаға тамсанып, таңқалған таңғажайып құбылыс!

Мұхтар Әуезов әлем әдебиетіне үлкен олжа салды деу аз, ол оны жана биікке көтерді, көркем сөз берілгенде көсемсөздің керегесін кеңейтіп, шаңырағын биіктетті, мұхит ойдың тереңінен жауһар жинап, адамзат ақыл-ойының, парасат-пайымының көсегесін көгергіті.

Теккерең: «Романист көп білуі керек» десе. Бульвер: «Романист философ болуы керек» депті. Ал, Белинский «Тарих романның авторы жақсы тарихшы болу керек» деген талап қояды жазушыға. Мұхтар Әуезовтің төрт кітаптан тұратын «Абай жолы» эпопеясының әр кітабынан ғана емес, шығарманың өн бойынан мұндай тілек, талаптың үдесінен шыққан санқырлы саңлақ талантты тану қын немес.

Ең бастысы қазақ халқының жарты ғасырлық өмірі жан-жақты суретtelіп, Абай өмір сүрген уақыт пен қоғамның қайшылықтары табиғи зор талантпен бедерлі бейнеленіп, кейіпкерлердің жан дүниесіндегі қатпар-қатпар қалтарыстар, терең ойлар, тебіренген сезімдер, шытырман оқиғалар шырмауындағы адам психологиясы, құбылыстар мен оқиғалар фонында Абай төңірегінде жарқырай көрініп, тұтас бір дәуірдің жанды картинасының жасалуында. Эпопеяда кейіпкерлер қатары қалың, оқиғалар да, эпизоттар да көп. Сол көптің бәрі шығарманың ұзақ сюжеттік желісімен жымы білінбей жымдастып, барлық оқиға бас кейіпкер – Абай образын ажарлы ашып, мінсіз мүсіндең тұр.

Жүректің нәзік пернелерін тап басып, адам жанының ішкі ирімдерін, кейіпкердің көңіл-куйін, ішкі жан дұниесін, жүрек лұпілін тамыршыдай тап басып, тайға таңба басқандай анық та қанық суреттейтін Әуезов шеберлігі эпопеяның жібек жіппен тартылған алтын арқауының бірі. Соған мыңнан бір мысқал мысал эпопеяның кез келген тарауынан табыла кетеді.

Абай мен Тоғжан алғаш кездескен сәттегі кейіпкер жанының тереңін суреттеген сәт қандай ғажап!

Сол шағын ғана көркем көріністе көп қырлы суреткөр Әуезовтің екі қыры анық аңғарылып тұр. Оның бірі – жоғарыда айтылған кейіпкердің жандуниесін жарқырата ашқан шеберлік, бірі қысқа да қызулы диалогтар, кейіпкерлердің жүректен шығып, жүрекке жеткен тіл қатысулар арқылы мінсіз мұсінделген образ. Эпопеяның: «Үш күндік жолдың бүгінгі, соңғы күніне шәкірт бала барын салды» деп басталған алғаш тарауындағы Абай мен Қодарды өлтіретін бөліктегі Абай ойы, сезімі кейіпкер бейнесін сәтті сомдаудың үздік үлгісі.

Көркем шығарманың көркін келтіретін диалог, кейіпкер портреті, табиғат суреттері, көсем ой, көркем тіл жайлы айтсақ, көз алдына «Абай жолының» ақбас шындары асқақтап шыға келеді.

Кезінде Мұхтар Әуезов: Үлкен романсыз үлкен әдебиет жоқ» деп жазып еді. Кеменгер Әуезов үлкен роман жазып қойған жоқ, әдебиет әлеміндегі үлкен құбылыс болды!

Он бес жылға созылған жанкешті еңбек пен аса сирек кездесетін құдайдай құдіретті талант өз жемісін берді. – 1956 жылы атақты роман-эпопея – «Абай жолын» аяқталып, ұлы Абай әлемді арапап кетті. Сол сәттен бастап Лев Толстойша характер тұнғиғына бойлау, Федор Достоевскийше ойлау, Михайл Шолоховша шарықтау, Николай Тихоновша тебірену, Александр Фадеевше қарыштау, Оноре де Бальзакша мұсіндеу, Стендальмен достасқан стилист болудың озық үлгісі және солар алыптардың көлеңкесінде қалып қоймай өз ойы, өз бойымен көрінген құдіретті талант деген пікірлерді жарыса жазды Луи Арагон, Бенжамин Матип, Константин Федин, Габит Мұсірепов, Андре Стиль, Альфред Курелла, Берді Кербабаев, Олесь Гончар, Шыңғыс Айтматов... сынды әлемге әйгілі сөз зергерлері.

Не айтатыны бар, Мұхтар Әуезов – әлем таңқалған таңғажайып құбылыс!

Екінші ой

ҰЛЫЛЫҚ ҰЛАҒАТЫ

Ол ұлттық драма өнерінің өркендеуіне көп

көмектесті. Мұндай энциклопедиялық тек уақыт

рухына ғана емес, оның характеріне тән қасиет еді.

Италияда Жанғыру (Возрождение) заманының әйгілі

шеберлері әрі суретші, әрі архитектор, әрі мүсінші,

тіпті инженерлер болғанын білеміз. Біздің заманымыз да

осындағы әрқылды таланттың бір адамның басында

тоғызысын талап етеді, бірақ бұл әрдайым бола

бермейді. Ал, Әуезовтің басында бұл қасиет бар еді.

Николай Тихонов

Ұлылықтың бір өлшемі – аспан. Бұл дүниеде одан биік, одан кең не бар?! Ұша білген қанатқа дүние кең дейтініміз де содан. Әйтсе де биікке аңсары ауған күштарлар қаншалық көп болса, сол биікке шырқап шыққан қырандар соншалық аз. Ол заңды да. Биіктік таланттар мен қанаттылардың ғана мекені. Құр қызығу мен құрғақ қүштарлық құшағына сыймайды ол. Өмірдің осы бір қатал, әділ заңы өнерге де тиесілі. Содан да болар қаламгерлер көп болғанмен қанаты талмас қыран тектес талант алтындағы аз, жарқыраған жақыттай қат.

Өмірдегі сияқты өнерде де онай бақыт болмайды. Қымбаттың бәрі қыынға түседі. Жазушы жолы – шың мен шыңыраудың екі аралығында қыын асуға өрмелеген таудың тар жол, тайғақ кешуі тәрізді. Он жағындағы шыңға көз тіксен де, сол жағындағы шыңырауға қарасаң да басың айналып, табаның тайып кетуі кәдік. Сондай қыын жол, қиян асуда қарсы алдынан адастырмас жүлдізың боп жанатын кеменгердің бірі емес, бірегейі Мұхтар Әуезов! Ол алысты нұсқар, аскарға бастар жарық жүлдіз сияқты.

Сонау зенгір аспанда жүлдіздар қаншалық көп болса, аты мен заты белгілі жарқыраған жарық жүлдіздар соншалық аз. Ондай жарық жүлдіздарды көп жүлдіздардың өзі де көлегейлей алмайды. Әдебиет әлеміндегі сондай жарық жүлдіз Мұхтар Әуезов екенін ешкімнің ажарына қарамайтын қатал уақыттың өзі дәлелдеді. Бір ғана дәлел. Кеңес үкіметі кезінде әлем әдебиетінің 200 томдығы жарыққа шықты. Он бес

республиканың ең беделді, ең білімпаз әрі өте әділ әдебиетшілері мен ғалымдарынан түзілген қатал қазылар тобы адамзат тарихындағы барлық асыл қазынаның ең таңдаулыларын іріктең, тарих тезінде, замана дауылда азып-тозбаған жауһар шығармаларды сол 200 томға топтастырыды. Сол асылдардың асылы жинақталған баға жетпес қазынадан Мұхтар Әуезовтің «Абай жолы» эпопеясының төрт кітабы ойып тұрып орын алады. Николай Тихонов, Шыңғыс Айтматов, Константин Симнов, т.б. әлемге әйгілі тұлғалардың өзі көп қаламгерлермен бірге жалпы жинақтағана бас қосқанда бір өзі білдей бір төрт томмен топ жарған ұлылықты құдірет десе болар!

Тоқсаныншы жылдары Оңтүстік Африкада кимберлит трубасынан XX ғасырдағы ең үлкен алмастардың бірі табылды. Одан бриллиант алу үшін әлемдегі ең таңдаулы зерлеуші шақырылды. Атақты шебер кимберлит трубасындағы алмастың қыр-сырын ұғу үшін тек оны зерттеуге ғана бір жыл уақытын сарп етті. Содан соң ғана алмасты қырнап, өндеп, зерлеуге кіресті. Одан кейін төгілген тер мен асқан шеберліктен өмірге қай қырынан қарасаң да жарқырап тұрған асыл текті бриллиант келді. Соншалықты тыңғыштың зерттеусіз, оның табиғатын ұқпайынша, шелектеп тер төкпейінше, сондайлық ғаламатты өмірге әкелу мүмкін емес еді, зерлеушінің бір ғана қателігі сөтсіздікке әкеліп соғар еді. Әлемдік деңгейдегі ұлы суреткер Әуезов енбегін, Әуезов талантын жусан иісті бриллиант зерлеушінің аса нәзік, аса ауыр асқан шеберлігімен бейнелеуге болады.

Ұлы суреткерді бір кісідегі белгілі орыс жазушысы Анна Борисовна Никольская Әуезов жайлы «Дала бәйтерегі» атты естелігінде былай деп жазыпты: «Романда кейін қосылған эпизодтар аз болғанымен, оны шығармасын шұқылап өндей беруге құмар адам еді деп айта алмаймын. Ол кейбір тұстарды қайта жазатын, одан гөрі қысқартуы көп болатын, соның бәрін шығарма сүйегіне тігісін білдірмей жымдастырып жіберуге мейлінше күш салатын. Оның кейін қосқандарын іс жүзінде айыру мүмкін емес.

Ол ауыр жұмыстан бас көтере алмай жүріп, ертеңгісін ойлайтын адам еді. Оның бар тірлігі арындан алға шауып отыратын. Табиғатта сирек кездесетін енбеккөр жазушы бір маңызды шаруадан екінші бір маңызды шаруаға тез ойыса салатын және ұсақ-түйек көр-жерге шашылмай тек маңызды мәселелерге бой ұратын, оның жұмысының бәрі ірі планды жұмыстар еді. Ол ешуақыта шаршауды, шау тартуды мойындағайтын адам сияқты еді».

Бұл да ұлғі алуға тұратын ұлылық!

«Бәлкім, сырт көзге бұл сөзіміз ерсі де көрінуі мүмкін. Алайда Әуезовтен кейін қазақ жазушыларына әдеби еңбек тым қынданап кеткенін жасыра алмаймыз. Ол жарық жалғаның алдында жақсы аттандырып кеткен әдебиеттің биік деңгейін төмендетіп алмау қай-қайсымызға да оңайға түсе

қоймас» – деп ескертіпті көркемсөздің көрнекті шебері Тахауи Ахтанов «Сөз сиқыршысы» атты мақаласында («Біздің Мұхтар». «Жазушы» баспасы, 1976 жыл). Орайымен айтылған осы орынды сөзді ұлы ұстаз Мұхтар Әуезовтің өсіеті деп қабылдасақ жаза басып, жаңылыспазмыз айдан анық.

Қазақ әдебиеті Әуезов кезіндегіден әлдекайда тереңдеп, әлденеше өсіп кетті. Әсіресе, проза жанрындағы жаунарларымыз бірнеше ғасырлық тарихы бар Батыс пен Шығыстың озық үлгілерімен иықтасып тұр. Осы өсуге Әуезов шығармашылығының әсері, ұстаздық көмегі көп болды. Әйтседе, «Әуезовтен кейін тым қыындалп кеткен әдеби еңбек» әзірге Әуезов деңгейіне жете алмай жатыр. Ахтанов айтқан ақиқаттың бір сырьы осы.

Үшінші ой

КЕМЕНГЕРМЕН КЕЗДЕСУ

Біздің көз алдымыздағы осынау ірі мәдени құбылысты
мен именбей-ақ нағыз ұлылардың сапына қосар едім...
жазушының өзінің жан-жақты кемелденген кеменгерлігін
дәлелдейтін... Мұхтар Әуезов «Абайы» сынды асылдар туды.

Всеволод Иванов

Бұл оқиға өткен жиырмасыншы ғасырда, дәл айтқанда 1959 жылдың күзінде болып еді. Сол кездегі Киров, бүгінде әл-Фараби атындағы ұлттық университетке окуға қабылданған бір топ бозбала оңтүстік Қазақстан облысының Мақтарал ауданында мақта теріп жүргенбіз. Үлбіреп түрған аппақ мақтаны қауашығынан алып, белінде байлап алған ала қапшыққа салатын бұл жұмыс жігіттің қолы емес екен. Еңкейе-енкейе белің талады, мақтаны тез терсөң қолынды мақта қауашығы жарақаттайды, баяу терсөң күндік норманды орындаі алмай, қабырға газетінде сыналып, күлкіге ұшырайсын. Үлпілдеген, салмақсыз ақ мақтадан күніне пәлен килограмм териу онай емес. Жұмыс ауыр. Жағдайымыз онша жақсы емес, университеттен келген бес жұз қырық қыз берін жігіт бір қазаннан ас ішеміз. Таң алдында тұрып, асығыс тамақтанып, күн ұсынан шықпай жатып мақта теруге кірісеміз. Үзіліс жоқ. Түскі асты мақталыққа әкеліп береді. Содан қас қарайып, күн батқанша дамыл жоқ. Жұмыс та жұмыс. Күндік норма-әскери тәртіп. Жататын жерімізге келіп, кешкі ас ішіп болғанша тұнгі он екі болады. Таңертең ерте, сағат алтыда тұру керек. Шаршағанымызға қарамастан тұнгі он екіден кейін болатын киноға не биге барамыз. Ертесіне ұйқылы-ояу жүріп таңғы ас ішіп, тағы да ауыр жұмысқа жегілеміз. Соның берінен шыдас берген қайран жастық-ай! Сол бір бірсарынды өтіп жатқан күздің сұп-сұр сұрғылт күндердің бірінде Алла тағала біздерге күтпеген қуаныш сыйлады.

Қойнымызға сыймаған ол қуаныш ұлы ұстаз Мұхтар Әуезовпен жүздесу қуанышы еді.

Атақты «Абай жолы» роман-эпопеясы әлемді аралап кеткен Әуезов енді бүгінгі күн тақырыбына қалам тартып, заман талабына орай замандастар бейнесін жасауға бекініпті. «Жаңа романына жаңа кейіпкерлер іздеген Әуезов оңтүстіктің аудан, ауылдарын аралап жүр» деген хабарды құлағымыз шалған. «Шіркін-ай, Әуезов біз жұмыс істеп жатқан Мактаралдың Киров бөлімшесіне келсе ғой» деп армандал жүрген күндердің бірінде өзіммен бірге университеттің бірінші курсына қабылданған жерлесім Қойшығар – бүгінгі белгілі қаламгер Қойшығара Салгарин:

– Эне, ана жаққа қарандар, – деді бірнеше женіл машина таспадай тартылған теп-тегіс асфальт жолдан бұрылып, ойқы-шойқы да拉а жолымен тұра бізге қарай беттеп келеді еken. Алда «Чайкаға» ұқсас ұзын қара «ЗИМ». «Бұлар кімдер?» деп ойлап ұлгергенше женіл машиналар легі мақталықтың шетіне келіп тоқтады. Алдыңғы машинадан түскен ортадан жоғары бойлы, кереқарыс кең мандайы күн нұрымен шағылысқан, етженді, бұйра шаш кісіні жазбай таныдық. Ол ойлы жүзін өзіміз газеттерден жиі көріп жүрген сөз зергөрі, ой алыбы Мұхтар Әуезов еді.

Күтпеген қуанышқа кез болған біздер жүгіре басып Әуезовтің қарсы алдына келіп кілт тоқтадық та:

-Ассалаумагалейкум, Мұхтар аға! – деп жапатармагай жарыса сәлем бердік.

Сәлемімді алып бізге сүйсіне қараған Әуезов шабыттана сөйледі:

– Пәлі, өздерің төркіндерің келген келіндей қуандыңдар ғой. Жөн, жөн-ак! Мен сендердің төркін жүрттарың университеттен келдім ғой. Иә, балапандарым, жағдайларың қалай? Жұмыстарың жеңіл емес, әрине. Жатын орындарың жайлы, ас-суларың сайлы ма? Ешкім ренжіткен жоқ па, сендерді? Бәрі дұрыс па?

– Жақсы.

– Бәрі дұрыс.

– Жақсы, – десіп жарыса сөйлеп жатырмыз бәріміз.

– Ал, мұнда университет ұстаздарынан кім бар? Басшыларың кім? – деп сұрады Әуезов.

– Мен бармын, – Мұхтар Омарханұлы, – деді отыздың о жақ, бұ жағындағы сұңғақ бойлы сұлуша келген орыс жігіті.

- Сәлеметсіз бе? Аты-жөніңіз?
- Плахин.
- Қай кафедрадансыз?
- Әскери кафедрадан.
- Шамасы, жаңа кадр боларсыз? Біраздан бері болса білсем керек еді, – деді Өуезов Плахинге барлай қарап.
- Университетке жұмысқа түрғаныма бір-ақ жыл болды, – деді Плахин Маршалдың алдында түрған офицердей тіп-тік, ашаң денесі сымдай тартылып.
- Ал, Плахин жолдас, не айтасыз? Студенттердің жағдайы жақсы ма? Олардың еңбегі, түрмис жағдайына орай жергілікті басшыларға айтар талап, тілектеріңіз бар ма? Қысылмай баянданыз.
- Ешқандай өтініш жоқ. Бәрі жақсы, Мұхтар Омарханұлы.
- Біздің филфактан, журфактан қанша студент бар мұнда?
- Филфактан отыз, журфактан жиырма.
- Е, менің лекциямды тыңдайтындар елу еken ғой.
- Елу деген де бір қауым ел, – деп қалды Плахин.
- Көріп тұрсыздар ғой, – деді Өуезов енді бір сәт арқа тұсында түрған жол серіктеріне басын бұрып – бұл тұстан зу етіп өте шықпай қырық шақырым кері жүріп келген еңбегіміз еселеп қайтты емес пе? Балапандарымның қуанғанын көрмейсіңдер ме? Адамның адамға қуаныш сыйлауынан асқан бақыт бар ма?!
- Дұрыс айтасыз, Мұқа! Студенттер ғана емес, сіз өзіңіз де толқып тұрсыз ғой. – Қуанып та түрмис. Бұл жастар біздің болашағымыз. Еліміздің ертең көріп түрмис бұларға қарап – деді келбетті кең маңдайын күн сәулесі аймалаған кеменгер Өуезов жұмсақ жымиып.
- Өзіңіздей ұлы ұстаздан тәлім алатын бұл жастар бақытты ғой, – деді әңгімеге араласып. Өуезовтің тағы бір жолсерігі.
- Иә, оған сөз бар ма? – деп қостай кетті тағы бірі.
- Бізге ат басын бұрғаныңызға рахмет! Сізге мың мәрте тағзым, – деді ортамызыдағы біздерден бес-алты жас үлкен Шафқат атты студент.

- Рахмет деген ұлы сөз, – деді Әуезов он қолымен мұрынын саумалап – Біздің қырық шақырым бері бұрылып, қырық шақырым кері қайтатын ұзынырғасы сексеннен аспайтын аз еңбегімізге бұдан артық баға болмаса керек.
- Солай емес пе, жолдастар.
- Иә, солай.
- Дұрыс айтасыз.
- Дәл солай, – десті Әуезовтің жол серіктері.
- Ал, жас достарым, Алматыда, университетте кездескенше. Жолыққанша жол жақсы, көріскенше күн жақсы болсын! – деп студенттерге мейірлене қарады ұлы ұстаз. Сол сәт мұнды, ойлы жанары таңғы шықтай мөлдіреп, нұр төгілген Әуезовтің жүзінен оның тебіренген терең сезімін көргендей болдық.
- Жол ақысы жүрсе бітеді. Ал, енді жүрелік, – деді Әуезов жолсеріктеріне.
- Біздер – сол жылы студент атанған жастар кедір-бұдыр дала жолында шайқалып бара жатқан жеңіл машиналарға қадала қарап біраз тұрып қалдық.
- Қап фотоапараттың болмағаны-ай, – деді Өтежан Нұрғалиев – Әуезовтің өзімен суретке түстік деп мақтанып жүретін ек.
- Сол күнгі сол бір қуаныш әлі есте...

Сол керемет көркем кермиық көрініс, сол сымбаты бөлек сұлу сурет күні бүгін де көз алдында. Сірәда естен кетпейтін сол бір сәулелі сәт еске түскенде жүрек шіркін сыздал сала береді. Алыстаған сайын биіктей беретін ұлы Әуезовті бір біз ғана емес, келер ұрпақ, кемел тарих ансайды, сағынады. Сағындым сені, ұлы ұстаз! Аңсадым сені Мұқа!

Бұл сарқылмайтын сағыныш, мәңгілік сағыныш!

Иә, бәрі есте. Оңтүстікten аман-сау оралып, сабакқа да кірістік. Біз, біз дегенім курсастарым Қойшығара Салғарин, Өтежан Нұрғалиев, Өзбек Кесікбаев, Нұржамал Ботабаева, Тұрсынзада Есімжанов, Адулхамит Мархабаев, Мұхамет Мезгілбаев, Ғазизбек Тәшімбаев, т.б. журналистер дайындаған факультетке қабылданғанбыз. Әуезовтің лекциясы филология факультетінде кейде кейбір лекцияларға бармай калатын біздер – болашақ журналистер Әуезовтің дәрісін тыңдауға ынтықпыз. Енді қайтпек керек. Арамыздағы біздерден бірер жас үлкен Мұхаммед оның да жолын тапты. Филология факультетінде Әуезовтің дәріс оқытын уақыты мен аудиториясын біліп аламыз да, сол жерге филологтардан бұрын барып, отырып аламыз.

Есіктен кіргеннен шығып бара жатқанға дейін сөйлеп, толымды ойлар толғайтын әр сөзі көркем, әрбір сөйлемі көсем Әуезовтей шешен ғұламаны тыңдау бақыты бүйірған ұрпақпрыз біз!...

– Әлі есімде, 1960 жылы университеттің сол кездегі Киров пен Панфилов көшесіндегі ғимаратының үлкен залында Мұхтар Әуезовпен кездесу болды. Зал толы халыққа қыдырта көз тастап, сәл ойланған. Әуезов құлаққа жағымды қоңыр үнмен сөйлеп кетті. Алғаш сөз бастағанда тұсаулы тұлпардай кібіртіктең, кідіре кедір-бұдырлау сөйлеген ғұлама бес-алты минуттан соң көсіле көркем сөйлеп, теңіздей терең ойлар айтты. Сол күні ерекше бір шабытпен шешіле сөйлеген шешенниң сол кездегі жас қаламгерлер Тұманбай Молдағалиев, Сағи Жиентаев, Қадыр Мырзалиев, т.б. қарата олардың шығармашылығынан «Жыл келгендей жаңалық сеземін» дей келіп талантқа қояр талап кемімесін деген оймен айтқан :

«Толыспаған Толстойлар, шала Шекспирлер» дегені ілезде қанатты сөзге айналып кетті.

Сол бір күнгі тарихи сөзінде Әуезов:» Образ болмай ойдың да қасиеті болмайды. Жұрт айтып жүрген ойды сіз де айтасыз. Жұрт айтпаған ойды айту – анда-санда бір ұшырасатын бақыт, ол ырыс... ойдың көвшілігі жұрт айтқан ой болуы мүмкін, бірақ соны басқаша түрде айта білудің өзі бақыт» дей келіп «Жастар осы бастан бірнеше әдеттен сақ болу» жайын аталақ қамқорлықпен ескерткен тұста көркем сөз, көсем оймен көсліді-ау жарықтық Мұқан. Ақ өлең болып ағытылған сол бір ақыл, нақыл сөздер арада алпыс жыл өтсе де әлі ескерген жоқ. Мына бір үзік үзінді соған айқын айғақ: «ең алдымен, жақсы еken деп асқақтамау керек, тумай тұрып толдым, жазбай жатып болдым деуден қашу керек. Бұл мінез адамды жаман нәрсеге апарып ұрындырады. Арақ ішу, мастану осыдан туады. Ұлы Лениннің, Горькийдің кішіпейілдік сияқты жақсы дәстүрі бар. Осыны үйрене білу керек. Мастану дегенді көрмей жүрген жоқсыздар, болып қалдым еken деп алдыңғыны мүйіздел, шынтағымен қаққылап, өзін-өзі ғашық болушылық – бұл адамның үлкен соры. Бұл ең алдымен өзімшілдікті, күншілдікті тузызады. Мәдениеті аз әдебиеттерде бұл үлкен сордың бірі.

– Екіншіден, жақсы еңбек жаздым, танылмады деп қорықпандар, танылмаған Шекспир мен танылмаған Толстой көп бола береді деп ойламаңыздар. Олар дүниеде біреу-ақ. Олар көрінгенге мысал емес. Шала Шекспирлер, толыспаған Толстойлар танылмай жүре берсін. Одан келеркетер аз ғана. Өнірі табылмаған тау, тереңі танылмаған өзен бар ма? Біздің өмірімізде баға берілмей қалған қасиет бар ма? Бағалы-бағаланбай келген қасиет жоқ. Советің адаптыны, әділ бағасы құмның түкпіріндегі Кербебаевты да таныды, тапты да ғой. Кішкентай чукчаның Рытхәуін, туваның Салчак Токасын таныды да, тапты ғой. Ақындық жақсылығын танылмайды деп ойламаңыздар. Бұл ұлы ғұламаның жазып алған оқыған сөзі

емес, ауызша ағытылған ақын, ақын тіркестер еді, ал жазған кезде жаунардай жарқыратушы еді, жарықтың.

Әуезовті аса жоғары бағалаған парасатты пікірлерді Михайл Шолоховта, Александр Фадеев те, Андре Стиль де, Николай Тихоновта, Александр Корнейчукта, Берді Кербабаевта, Мұстай Кәрімде, Расул Гамзатовта, Бенжамин Матипте, өзіміздің Ғабит Мұсіреповте, талай елдің талай тарланбоздары айтыпты. Солардың бірі – Николай Погодиннің: «Қазақстан үшін Әуезов екінші Абай, біз үшін шығыстың Шолоховы» деген сезінің екінші бөлігіне бақыға атанған сәтте айтылған сез ұлы суреткер тұлғасын ашуда кемел емес, кем соғып отыр. Олай дейтінім Әуезов шығыстың ғана емес әлем әдебиеті мен мәдениетінің Шолоховы. Ұлы ұстаз Мұхтар Әуезов ұлт әдебиетін ғана емес, әлем мәдениетін да жаңа бикке көтерген ұлы суреткер. Көркемсөз бен кеменгер ойдың алыбы ол!

Тарих – Ана ұзак толғатып, сирек туатын ұлы тұлғалар бір халықта ғана емес бар халықта да бар. Олар бір ұлттың ғана емес, барлық ұлт, барша халықтың мақтанышы. Әлемдік асыл қазынаға олар қосқан жаунарлар адамзаттың ортақ игілігі. Көркемсөз бен кеменгер ой алыбы Мұхтар Омарханұлы Әуезов осы санаттағы саңлақ. Ол өткен – жиырмасынышы ғасырдағы алыптар тобының көшбасшысы. Ақ ала бас шындары алқарапек аспанмен таласқан аскар таулар қашықтан қарасаң айбынды, сұсты, кейде тіпті, сұық болып көрінеді. Ал, сол алыстан айбынды көрінген аскар таулардың жанына жақын келсөн, өзгеше бір жылыштық, тартымдылық табасың. Кіслік пен кішіліктің ертеден егіз екенін танисың. Алыстан асқақтаған зенгір таулар жанына келсөн, жайқалған бау-бақша, бауырынан құлай аққан сыңғыр бұлақ, төсінен көкке шаншылған сыңсыма көк майса, көгерім талымен аялап, саясына алады. Ұлы таулар мен ұлы адамдар арасында ғажайып бір ұқсастық, ұқсастық ғана емес-ау, табиғи туыстық, оны айтасыз, қандастық, тұтастық бар. Есімі мен еңбегі еліміздің, оны айтасыз бүкіл дүние жүзіне машің алыптар жайлы көңілге түйер ойдың бірі осы.

Төртінші ой

КЕМЕНГЕРДІҢ ЖАРЫҒЫ

Оның прозасы, оның драматургиясы,

оның ғылыми жұмысы, оның табиғи болмысы,

өз халқының мәдениеті мен еліміздің

интелегенциясы табыстарындағы алатын

орны шектен тыс маңызды да поэтикалық құбылыс.

Сонау ту алыста қалған аты белгісіз арғы дәуірлерден күні бүтінге дейін адамның ақыл-ойы мен қиялышынан небір ғажайыптар туып, адам қолымен талай кереметтер жасалды. Пергауындар пирамидасы, Семирамиданың аспалы бағы, Эфес қаласындағы ғибадатхана, Зевс мұсіні, Мавсол патша мавзолейі, Родос алыбы, Александриядагы ежелгі дүние шырағы – әлемнің жеті кереметі, онан соң сегізінші керемет Тәжмахал мазары өмірге келді. Адамның ақыл-ойы атом қуатын бейбіт мақсатқа пайдалана бастады. Кәрі тарихтың өзін таң қалдырып ғарышқа үшты. Сөз жоқ, мұның бері адамзат туғызған ғажайыптар. Осы кереметтерің бірі ғана емес, бірегейі – адамзат даналығы туғызған бейнелер әлемі – әдебиет. Ғасырлар бойы сақтала беретін байлықтары бар әдебиеттің ең үздік үлгілерін туғызған талант аспандағы Ай мен күндей аяулы. Кемел ойлы кеменгер таланттың өзі де, оның қайталанбас хас туындылары да жоғары күн, алыс жүлдyz жарығындай қуатты да шуақты!

Құдай текстес құдіретті талант Мұхтар Әуезовтің кемел ойлы кеменгер туындыларының жарығы әлем әдебиетіне нұры шұғыласын төгіп тұр. Таң төбеден құйылған сол сәулеге шомылған, кеменгерлік пен ғұламалықтан нәр алған Мұстай Кәрім, Расул Ғамзатов, Шыңғыс Айтматов, Олжас Сүлейменов, Евгений Евтушенко, Рима Казакова, Анар, Момын Каноат, Герман Кант, Робель, Пауло Кузло, Алекс ла Гума сынды сан елдің санлақтары бұл күнде әлем әдебиетіне үлкен олжа салған әлемдік деңгейдегі тұлға. Кеменгердің жарығы ойын оятқан, санасына сәуле құйған оқырман саны мың емес, миллиондармен өлшенсе керек.

Кеменгер жарығы әлемге ортақ!

Ол аспандағы Ай мен Күндей әлемге үнсіз сәуле шашып тұр!

СӘБИТ ДОСАНОВ,

жазушы, Мемлекеттік сыйлықтың лауреаты,

М.Шолохов атындағы халықаралық сыйлықтың иегері